

AXCEL ETORICOXIB-60MG TABLET

Etoricoxib 60mg

Apakah Yang Ada Pada Risalah Ini

1. Apakah kegunaan Axcel Etoricoxib-60mg Tablet.
2. Bagaimana Axcel Etoricoxib-60mg Tablet berfungsi.
3. Sebelum menggunakan Axcel Etoricoxib-60mg Tablet.
4. Cara menggunakan Axcel Etoricoxib-60mg Tablet.
5. Semasa menggunakan Axcel Etoricoxib-60mg Tablet.
6. Kesan-kesan sampingan.
7. Cara penyimpanan dan pelupusan Axcel Etoricoxib-60mg Tablet.
8. Maklumat lanjut.
9. Pengilang dan Pemegang Pendaftaran Produk.
10. Tarikh kemaskini.

Apakah Kegunaan Axcel Etoricoxib-60mg Tablet

Ia membantu mengurangkan kesakitan dan bengkak (radang) pada sendi dan otot pesakit yang menghidap penyakit osteoarthritis, rheumatoid arthritis, ankylosing spondylitis dan gout. Ia juga digunakan untuk merawat kesakitan akut, termasuk yang berkaitan dengan kesakitan haid dan rawatan pergigian minor.

Apa itu osteoarthritis?

Osteoarthritis adalah penyakit yang melibatkan sendi. Ia diakibatkan oleh kerosakan rawan yang menjadi pelapik diujung tulang secara beransur-ansur. Ini akan mengakibatkan bengkak (radang), kesakitan, kelemutan kekejangan dan hilang upaya.

Apa itu rheumatoid arthritis?

Rheumatoid arthritis adalah radang pada sendi untuk jangka masa yang lama. Ia menyebabkan kesakitan, kekejangan, bengkak dan mengurangkan pergerakan sendi. Ia mungkin juga akan menyebabkan keradangan lain pada badan.

Apa itu gout?

Gout adalah penyakit yang berlaku secara tiba-tiba, serangan berulang oleh keradangan yang sangat sakit dan kemerahan pada sendi. Ia

disebabkan oleh sisa kristal mineral pada sendi.

Apa itu ankylosing spondylitis?

Ankylosing spondylitis adalah penyakit radang pada tulang belakang dan sendi-sendi besar.

Bagaimana Axcel Etoricoxib-60mg Tablet Berfungsi

Etoricoxib adalah salah satu kumpulan ubat-ubatan yang dipanggil perencat COX-2 yang terpilih. Ini tergolong dalam kumpulan ubat-ubatan anti radang bukan steroid yang menunjukkan aktiviti anti radang, ubat tahan sakit, dan mengurangkan demam.

Sebelum Menggunakan Axcel Etoricoxib-60mg Tablet

Bila tidak boleh menggunakan

Anda tidak boleh menggunakan Axcel Etoricoxib-60mg Tablet jika anda:

- Jika anda mengalami alahan (hipersensitif) terhadap Etoricoxib atau apa-apa bahan didalam Axcel Etoricoxib-60mg Tablet
- Jika anda mengalami alahan terhadap ubat anti radang bukan steroid (NSAIDs), termasuk aspirin dan COX-2 inhibitors.
- Jika anda mengalami ulser perut atau pendarahan didalam perut atau usus
- Jika anda menghidapi penyakit hati yang serius
- Jika anda menghidapi penyakit buah pinggang yang serius
- Jika anda sedang atau akan mengandung atau sedang menyusukan bayi
- Jika anda berusia bawah 16 tahun
- Jika anda menghidapi sakit radang usus, seperti Penyakit Crohn, Penyakit Radang Usus Besar, atau Kolitis
- Jika doktor anda telah mendiagnosis masalah jantung termasuklah kegagalan jantung (sederhana atau teruk), angina (sakit dada) atau jika anda pernah mengalami serangan jantung, pembedahan pintasan, penyakit arteri peripheral (kesukaran peredaran darah pada kaki yang

disebabkan oleh arteri yang sempit atau disekat) atau apa-apa jenis strok (termasuklah strok kecil, serangan iskemia sementara atau TIA). Etoricoxib mungkin akan meningkatkan sedikit risiko serangan jantung dan strok dan inilah sebab kenapa ia tidak patut digunakan oleh mereka yang telah pun menghidapi masalah jantung dan strok.

- Jika anda menghidapi tekanan darah tinggi yang tidak terkawal oleh rawatan (periksa dengan doktor atau jururawat jika anda tidak pasti samada tekanan darah anda terkawal secukupnya)
- Jika anda fikir mana-mana antara hal ini berkaitan dengan diri anda, jangan ambil tablet sehingga anda berunding dengan doktor anda.

Sebelum menggunakan Axcel Etoricoxib-60mg Tablet

Bertanya kepada doktor atau ahli farmasi jika:

- Anda mempunyai sejarah perut berdarah atau ulser.
- Anda mengalami dehidrasi atau kekurangan air, contohnya disebabkan oleh muntah yang berterusan atau cirit-birit
- Anda mengalami bengkak disebabkan oleh pengumpulan cecair
- Anda mempunyai sejarah kegagalan fungsi jantung atau apa-apa bentuk sakit jantung.
- Anda mempunyai sejarah tekanan darah tinggi. Etoricoxib boleh meningkatkan tekanan darah bagi sesetengah pesakit, terutamanya dalam dos yang tinggi, dan doktor anda akan mahu memeriksa tekanan darah anda dari semasa ke semasa
- Anda mempunyai apa-apa sejarah penyakit hati atau buah pinggang
- Anda sedang dirawat untuk jangkitan. Etoricoxib boleh menutup atau menyembunyikan demam, yang mana merupakan tanda bagi jangkitan.
- Anda merupakan wanita yang sedang cuba untuk hamil
- Anda merupakan warga tua (iaitu melebihi 65 tahun)

AXCEL ETORICOXIB-60MG TABLET

Etoricoxib 60mg

- Anda mempunyai kencing manis, kolesterol tinggi atau merupakan seorang perokok. Ini akan meningkatkan risiko sakit jantung.
- Jika anda tidak pasti mana-mana antara diatas mengenai anda, bincang dengan doktor sebelum anda mengambil Axccl Etoricoxib-60mg Tablet untuk melihat samada ubat ini sesuai dengan anda.

Jika mengambil ubat-ubat lain

Khususnya jika anda mengambil mana-mana ubat-ubatan berikut, doktor anda mungkin ingin memantau anda untuk memastikan ubat-ubatan anda berfungsi dengan betul, sebaik sahaja anda mengambil Axccl Etoricoxib-60mg Tablet:

- Ubat-ubatan yang mencairkan darah (antigumpalan), seperti warfarin
- Rifampicin (sejenis antibiotik)
- Methotrexate (ubat yang digunakan untuk menyekat system imun dan sering digunakan dalam artritis rheumatoid)
- Ubat yang digunakan untuk menolong mengawal tekanan darah tinggi dan kegagalan jantung yang dipanggil ACE inhibitors dan angiotensin receptor blockers, contohnya termasuklah enalapril dan ramipril, juga losartan dan valsartan
- Lithium (ubat yang digunakan untuk merawat beberapa jenis kemurungan)
- Diuretics (pil yang menggalakkan membuang air)
- Digoxin (ubat untuk kegagalan fungsi jantung dan rentak jantung yang tidak teratur.
- Aspirin, risiko ulser perut meningkat jika mengambil Axccl Etoricoxib-60mg Tablet dengan aspirin
- Axccl Etoricoxib-60mg Tablet boleh diambil dengan aspirin berdos rendah. Jika anda sedang mengambil aspirin berdos rendah untuk menghalang serangan jantung atau strok, anda tidak seharusnya berhenti mengambil

aspirin sehingga anda berbincang dengan doktor.

- Jangan mengambil dos aspirin yang tinggi atau ubat anti-radang yang lain ketika sedang mengambil Axccl Etoricoxib-60mg Tablet

Mengandung dan Menyusukan Bayi

Axccl Etoricoxib-60mg Tablet tidak boleh diambil ketika mengandung. Jangan ambil ubat ini jika anda mengandung, sedang merancang untuk mengandung atau mungkin mengandung.

Jika anda mengandung, berhenti mengambil tablet dan berbincang dengan doktor anda. Dapatkan nasihat doktor jika anda tidak pasti atau memerlukan lebih nasihat. Ianya tidak diketahui jika Axccl Etoricoxib-60mg Tablet rembeskan dalam susu manusia. Jika anda sedang menyusukan bayi, atau merancang untuk menyusukan bayi, rujuk kepada doktor anda sebelum mengambil Axccl Etoricoxib-60mg Tablet. Jika anda sedang menggunakan Axccl Etoricoxib-60mg Tablet, anda tidak boleh menyusukan bayi.

Axccl Etoricoxib-60mg Tablet

bersama makanan atau minuman
Kesan permulaan Axccl Etoricoxib-60mg Tablet mungkin lebih cepat apabila diambil tanpa makanan.

Driving and using machines

Pening dan mengantuk telah dilaporkan oleh beberapa pesakit yang mengambil Axccl Etoricoxib-60mg Tablet. Jangan memandu jika anda pening atau mengantuk.

Cara Menggunakan Axccl Etoricoxib-60mg Tablet

Axccl Etoricoxib-60mg Tablet tidak boleh diambil oleh kanak-kanak atau remaja dibawah umur 16 tahun.

Berapa banyak harus digunakan

Osteoarthritis

Dos yang dicadangkan adalah 30mg sekali sehari, sehingga maksimum 60mg sekali sehari jika diperlukan.

Rheumatoid arthritis

Dos yang dicadangkan adalah 60mg sekali sehari, dan boleh meningkat kepada 90mg sekali sehari jika perlu.

Ankylosing spondylitis

Dos yang dicadangkan adalah 60mg sekali sehari, dan boleh meningkat kepada 90mg sekali sehari jika perlu.

Sakit Akut

Etoricoxib seharusnya digunakan untuk tempoh sakit akut sahaja.

Arthritis Gout Akut dan Dismenorea Primer

Dos yang dicadangkan adalah 120mg sekali sehari yang mana hanya boleh digunakan untuk tempoh sakit akut, terhad kepada maksimum 8 hari rawatan.

Rawatan Pergigian Minor

Dos yang dicadangkan adalah 90mg sekali sehari yang mana hanya boleh digunakan untuk tempoh sakit akut, terhad kepada maksimum 8 hari rawatan.

Bila perlu digunakan

Ambil Axccl Etoricoxib-60mg Tablet melalui mulut sehari sekali. Axccl Etoricoxib-60mg Tablet boleh diambil dengan atau tanpa makanan.

Pesakit dengan penyakit hati

Ikut saranan dan nasihat dari doktor tentang berapa banyak anda perlu mengambil ubat anda.

Jika terlupa menggunakan

Adalah penting untuk mengambil Axccl Etoricoxib-60mg Tablet seperti yang telah ditetapkan oleh doktor. Jika anda tertinggal satu dos, teruskan pengambilan mengikut jadual biasa pada hari berikutnya. Jangan ambil dos berganda untuk menggantikan dos yang tertinggal.

Jika mengambil berlebihan (terlebih dos)

Jangan mengambil tablet melebihi dari apa yang dicadangkan oleh doktor. Jika anda mengambil terlalu banyak tablet Axccl Etoricoxib-60mg Tablet, anda perlu mendapatkan rawatan perubatan dengan segera.

AXCEL ETORICOXIB-60MG TABLET

Etoricoxib 60mg

Semasa Menggunakan Axcel Etoricoxib-60mg Tablet

Perkara yang tidak boleh dilakukan

Jangan mengambil dos melebihi yang disyorkan mengikut keadaan anda. Doktor anda mungkin ingin berbincang mengenai rawatan anda dari semasa ke semasa. Adalah penting untuk anda menggunakan dos paling rendah untuk mengawal sakit dan anda tidak seharusnya mengambil Axcel Etoricoxib-60mg Tablet lebih lama dari yang diperlukan. Ini adalah kerana risiko serangan jantung dan strok mungkin akan meningkat setelah rawatan berpanjangan, terutama dengan dos yang tinggi.

Kesan-Kesan Sampingan

Jika anda melihat tanda-tanda ini berlaku, anda seharusnya berhenti mengambil Axcel Etoricoxib-60mg Tablet dan berbincang dengan doktor anda dengan segera:

- sesak nafas, sakit dada atau buku lali bengkak atau bertambah buruk
- kulit dan mata kekuningan (penyakit kuning) – ini adalah tanda bagi penyakit hati.
- sakit perut yang teruk atau berterusan atau najis anda menjadi hitam
- reaksi alahan- termasuk masalah kulit seperti ulser atau melepuh atau bengkak muka, bibir, lidah atau tekak yang mana boleh menyebabkan kesukaran untuk bernafas.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers -> Reporting Side Effects to Medicines (ConSERF) or Vaccines (AEFI)].

Cara Penyimpanan Dan Pelupusan Axcel Etoricoxib-60mg Tablet

Penyimpanan

Jauhkan Axcel Etoricoxib-60mg Tablet dari jangkauan kanak-kanak. Simpan pada suhu bawah 30°C. Pastikan bekas tertutup rapat dan lindungi dari cahaya.

Pelupusan

Jangan gunakan apabila telah lepas tarikh luputnya.

Jangan buang ubat tersebut di dalam air atau bersama-sama dengan sampah-sarap rumah. Tindakan ini boleh membantu melindungi alam persekitaran.

Maklumat Lanjut

Rupa dan warna produk

Axcel Etoricoxib-60mg Tablet adalah tablet berbentuk bulat yang berwarna putih, berdiameter 7.1 mm, rata, bertanda logo Kotra pada satu permukaan dan *breakline* pada permukaan lain.

Bahan-bahan kandungan

Bahan Aktif:

Etoricoxib

Bahan Tidak Aktif:

Dicalcium phosphate, microcrystalline cellulose, povidone, croscarmellose sodium, magnesium stearate dan opadry white.

MAL Number

MAL17107092AZ

Pengilang Dan Pemegang Pendaftaran Produk

KOTRA PHARMA (M) SDN BHD
No. 1, 2 & 3, Jalan TTC 12,
Cheng Industrial Estate,
75250 Melaka, Malaysia.

Tarikh Kemaskini

19/07/2022

Nombor Siri

NPRA(R2/1)220708/911